

ANUNCIOLICITACIÓN: Servizo de mantemento, limpeza e cantina das piscinas municipais durante a tempada de verán 2024

Os interesados en presentar ofertas para esta contratación poderán facelo no **prazo de dez días naturais** a contar desde o seguinte ao que se publique este anuncio na sede electrónica municipal.

Deberán utilizar o **modelo de instancia que se contén no Prego** que se transcribe a continuación e acompañala da **documentación preceptiva** para seleccionar a mellor oferta.

O contrato licítase para a tempada de verán de 2024, exclusivamente.

A contraprestación pola explotación do bar será un **canon de 200,00 euros mensuais mellorable ao alza**.

Resultará adxudicatario o que máis puntos obteña polo prezo ofrecido e as melloras que oferte das que se establecen no prego que a continuación se inserta:

PREGO DE CONDICIÓN ADMINISTRATIVAS QUE REXERAN NA CONTRATACIÓN DO SERVIZO DE LIMPEZA E MANTEMENTO ORDINARIO DE INSTALACIÓN DAS PISCINAS MUNICIPAIS, DURANTE A TEMPADA DE VERÁN DE 2024.

I) É obxecto deste contrato a realización de traballos de limpeza e mantemento ordinario de instalacións das piscinas municipais, entre estas, atención do pequeno bar existente, cuxo aforo máximo é de 140 persoas.

Os servizos que se realizarán son os seguintes:

1º Limpeza, fregado, desinfección e mantemento ordinario das piscinas municipais (excepto limpeza e mantemento da auga das piscinas e das zonas verdes, que se executará por conta do Concello), dos baños e demais instalacións situadas neste recinto,

2º Colaboración na vixilancia do bo uso das instalacións obxecto desta adxudicación por parte dos usuarios, incluído o control do seu aforo vixente en cada momento e do horario de uso das instalacións, tanto de baño como no resto do recinto.

3º Cobro das entradas a piscina e posterior liquidación de tickets na tesourería do concello (os tickets das entradas serán facilitados polo concello).

II) A contraprestación que percibirá o adxudicatario é a explotación no seu exclusivo





beneficio do bar sito nas piscinas municipais, e como compensación o Concello percibirá en concepto de explotación do bar un canon mensual de 200,00 euros, non suxeito a IVE, cantidade que poderá ser mellorada polos licitadores ao alza. O canon será prorrateado dependendo do período de prestación do servizo (contado este desde a apertura ao peche das piscinas exclusivamente en cada tempada de vixencia do contrato) e abonarase a primeira mensuralidade ao inicio do contrato e as seguintes nos cinco primeiros días do mes correspondente.

III) Criterios de valoración.

O órgano de contratación adxudicará o contrato ao licitador que máis puntuación obteña unha vez aplicados os seguintes criterios de adxudicación:

III.1) Prezo. Ata 49 puntos

O prezo a ofertar será un canon mensual mínimo de 200,00 euros, mellorable ao alza.

Á oferta que propoña o prezo maior outorgaráselle unha puntuación de 49 puntos, e as demais a puntuación que, partindo desta, proporcionalmente lles corresponda.

III.2) Melloras. Ata 51 puntos

As melloras que os licitadores poden ofrecer son as reflectidas no informe do arquitecto municipal de data 27 de maio de 2024, no que se detallan as características dos traballos a realizar, e que son:

- a) Pérgola con brezo ou cañizo, 120 m²: 22,42 puntos.
- b) Terraza con brezo ou cañizo, 123 m²: 22,98 puntos.
- c) Mobiliario acorde casco histórico As Neves: 5,6 puntos

Tódalas melloras ofertadas a realizar polo adxudicatario da explotación, serán supervisadas polos servizos técnicos municipais.

Valoración económica das melloras:

- a.-1.200,00 €
- b.-1.230,00 €
- c.-Aportarase documentación do mobiliario a empregar na terraza

Ditos valores serán os que se terán en conta a hora de puntuar, dándolle a máxima puntuación a mellor oferta económica e mediante regra de tres se adxudicarán o resto dos puntos.

Estas melloras poden ofertarse independentemente unhas de outras. No caso de ofertar todas, a puntuación total a outorgar neste apartado de “melloras” é de 51 puntos.

Estes traballos, no caso de ofertarse, deberán estar totalmente rematados e recibidos polo Concello con anterioridade á data de apertura das instalacións na tempada de 2024, que virá determinada pola data que estableza o Concello para a apertura das piscinas, trala obtención das correspondentes autorizacións.





IV) A duración do contrato será desde a data que se abran as piscinas ata a data de peche das mesmas, sen prexuízo de que o adxudicatario poida dispor das chaves das instalacións para realiza-las melloras que no seu caso oferte ou preparar a instalación, así como ao remate da mesma para devolvelas nas debidas condicións.

V) Os servizos expresados na cláusula I se realizarán durante o período de vixencia do contrato segundo queda expresado na cláusula anterior. O adxudicatario se compromete a aceptar as ordes que neste sentido lle sexan impartidas pola Alcaldía ou Concelleiro no que delegue.

VI) O horario máximo de apertura do bar será desde a hora en que se abran diariamente as piscinas ata as 24.00 horas do día e o adxudicatario deberá atender o servizo a que queda obrigado con este contrato todos os días da semana no período de apertura das piscinas.

VII) Será responsabilidade do adxudicatario a contratación de tódolos subministros cos provedores que el estime convenientes.

O material auxiliar necesario para a prestación do servizo de bar será aportado polo adxudicatario quen, ademais, se obriga a asumir por conta propia os gastos de reposición, reparación e mantemento do citado material. Enténdese como material auxiliar a vaixela, cristalería, cubertos e todo tipo de material funxible.

O adxudicatario obrígase a manter as dependencias do Bar en perfectas condicións hixiénico-sanitarias e a cumprir coas normas vixentes en canto a consumo de comidas e bebidas e, moi especialmente, coa prohibición de expender tabaco e bebidas alcohólicas ós menores de idade.

O adxudicatario obrígase a cumprir as recomendacións sanitarias vixentes en cada momento .

Calquera tipo de reparación e tarefa de acondicionamento que precisase o local, tanto exterior como interior, ben a iniciativa propia do adxudicatario ou ben a instancia do Concello, serán de conta e cargo do adxudicatario, previa consulta neste Concello; así como os gastos e responsabilidades que implique o inicio e a explotación do servizo.

Así mesmo, comprométese ó cumprimento das obrigas tributarias, de Seguridade Social (alta do adxudicatario no correspondente réxime da Seguridade Social; ter de alta, no seu caso, na Seguridade Social ó persoal que traballe á súa orde, etc.), de seguridade e hixiene no traballo e demais establecidas na normativa vixente, non sendo responsable o Concello polo seu incumprimento.

VIII) Para responder das obrigas contraídas, os concursantes ingresarán nas arcas municipais unha fianza definitiva de 300,00 euros.

IX) Presentación de solicitudes: Presentaranse de xeito manual no Rexistro Municipal do Concello de As Neves, en sobre pechado, durante o prazo de dez días naturais a contar desde



o seguinte ao que se publique o correspondente anuncio na sede electrónica municipal.

X) As persoas que estean interesadas na adxudicación deste contrato presentarán a súa proposta axustada ao modelo que se detalla a continuación:

“Don...., con domicilio en....., provisto de D.N.I. núm....., en nome propio (o en representación de segundo acredita por), enterado da convocatoria anunciada polo Concello das Neves, manifesta o seu desexo de tomar parte na licitación para a adxudicación dos servizos de mantemento, limpeza e cantina das piscinas municipais e demais instalacións ubicadas no recinto durante a tempada de verán de 2024, recibindo como contraprestación a explotación da cantina, e ofrece a cantidade de(en número e letra) euros mensuais en concepto de compensación pola explotación da mesma.

Así mesmo, comprométese a realizar as seguintes Melloras (consigne SI ou NON):

- 1) Pérgola con brezo ou canizo, 120 m2: SI ou NON
- 5) Terraza con brezo ou canizo, 123 m2: SI ou NON
- 6) Mobiliario acorde casco histórico As Neves: SI ou NON

Manifesta, igualmente, coñecer e aceptar integramente as Condicións Administrativas Particulares que rexen este contrato.

Lugar, data e sinatura”.

Documentación anexa: No sobre da oferta deberán introducirse necesariamente, os seguintes documentos:

- a) Os que acrediten a identidade do concursante e, no seu caso, a súa representación.
- b) Declaración responsable de non estar incurso en prohibición de contratar, conforme establece a vixente Lei de contratos do sector público.
- c) Os que acrediten estar ó corrente das obrigas tributarias e de Seguridade Social impostas polas disposicións vixentes.
- d) Declaración responsable no senso de que todo o persoal que atenda as instalacións estará debidamente contratado ao abeiro das disposicións laborais correspondentes, dado de alta na Seguridade Social e estará en posesión do carné de manipulador de alimentos e alérxenos.
- e) Memoria explicativa do modo e dedicación no que se prestarán os servizos por parte do concursante, especificándose na mesma, no seu caso, as persoas que traballarán ás súas ordenes, e da súa experiencia en hostalaría e actividades de tipo deportivo e cultural, no seu caso.

XI) Adxudicación.- O órgano competente procederá á apertura dos sobres presentados o día seguinte ao remate do prazo habilitado para presentación de ofertas e adxudicará o contrato menor á proposta que alcance máis puntuación unha vez aplicados os criterios de adxudicación.

XII) Antes de proceder á adxudicación, o licitador que teña acadado a maior





Concello

As Neves

puntuación deberá presentar nas oficinas municipais a seguinte documentación:

- Certificados de estar ao corrente nas obrigas tributarias e da Seguridade Social.
- Alta na Seguridade Social.
- Alta no Imposto de Actividades Económicas.
- Póliza de seguro de responsabilidade civil da actividade.
- Póliza de responsabilidade civil patronal, de produtos-alimentos subministrados e locativa.
- Seguro de accidentes no referente aos seus traballadores.
- Carné de manipulador de alimentos e alérxenos.

En ningún caso, o outorgamento do contrato suporá a existencia dunha relación funcional ou laboral entre a Administración e o adxudicatario.

XIII) Se o adxudicatario incumprise algunha das obrigas adquiridas a tenor deste Prego ou desobedecese as ordes que en interpretación e aplicación do mesmo lle sexan impartidas pola Alcaldía ou Concelleiro delegado, será apercibido por primeira vez; de persistir na súa conduta, será apercibido por segunda vez e se lle impoñerá unha sanción de 60 euros; e no caso de que a súa conduta dea lugar a un terceiro apercibimento, rescindirase o contrato con perda da fianza constituída, debendo o adxudicatario sancionado entregar inmediatamente as instalacións ao Concello, todo isto sen prexuízo de calquera outra responsabilidade que lle puidera ser esixida.

XIV) Ó remate do contrato, o adxudicatario entregará as instalacións ao Concello en idénticas condicións que as recibiu salvo no caso de que ofertase a realización dalgunha ou todas as melloras, en cuxo caso estas deberán executarse e serán recibidas polo Concello mediante o procedemento que se considere oportuno. Tralo peche das piscinas examinaranse as instalacións por parte do Concello para determinar o estado de conservación ou deterioro das mesmas.

XV) O contrato axustarase ao establecido nestas Condicións Administrativas e ten carácter administrativo e para o non previsto no mesmo estarase ó disposto na lexislación local vixente, no Real Decreto 817/2009, de 8 de marzo polo que se desenvolve parcialmente a Lei 30/2007 de contratos do sector público e no Real Decreto 1098/2011, de 12 de outubro, polo que se aproba o Regulamento Xeral da Lei de Contratos das Administracións Públicas, así como na Lei 9/2017, de 8 de novembro, de contratos do sector público.

Documento asinado electronicamente

Cod. Validación: 7A9KTHXRNXHMEZC517ETT3CG
Corrección: <https://concelloasneves.sedelectronica.gal/>
Documento asinado electronicamente desde a plataforma xestiona.esPublico | Páxina 5 a 5

